





# Акафист святому новомученику Евгению Боткину

## Кондак 1

Избранный угодниче и страстотерпче Христов, Евгение преславне, пламенем любви Христовой разжигаемый, на камене веры процвел еси; многие скорби и кончину лютую со страстотерпцы царственными от богоборцев кротко претерпел еси, душу твою за веру и правду положил еси. Ныне всечестную твою память празднуеще, похвальное пение приносим ти. Ты же, яко имеяй дерзновение ко Владыце небесе и земли, от всяких нас бед свободи, к тебе ныне зовущих:

Радуйся, святой новомучениче Евгение, врачу благий и милостивый!

## Икос 1

Ангел земный и человек небесный был еси, святой Евгение, от юности бо до самой кончины мученической неустанно Господеви работал еси, труды ко трудом прилагая и от силы в силу восходя, да прославится в тебе Христос, Врачующий души и телеса наша, Его же ради подвизался еси, Его же возлюбил еси, Его же Единого вождеде душа твоя, Его же ради

страдания многи претерпел еси, Его же благодатию светло украшен еси. Сего ради тебе, на небеси и на земли прославленному вопием сице:

Радуйся, бодрости и трезвения предобрый учителю;

Радуйся, нерадения и праздности известный прогонителю;

Радуйся, трудолюбия, еже всякому благу утверждение, рачителю;

Радуйся, богобоязненных мирян скоропослушливый попечителю;

Радуйся, врачей похвало и новомучеников украшение.

Радуйся, невинно от пребеззаконных любовь к Христу пострадавый.

Радуйся, молитвам нашим, аще и немощным, с любовью внемлющий;

Радуйся, от всея души и сердца возносимая к вам прошения наша исполняющий;

Радуйся, святой новомучениче Евгение, врачу благий и милостивый!

## **Кондак 2**

Видя Христос Бог душу твою, всеславне Евгение, ко приятию слова Божия предуготованную, просвети тя благодатию своею, ты бо выну Пути, Истине и Жизни неизменно до кончины мученическа твоя

следовал еси; ныне же веру соблюдши, яко верный воин Христов, радуешься в Небесном Отечестве, воспевая Господеви: Аллилуиа.

## **Икос 2**

Разумом твоим, честный Евгение, от дней юности твоя, образу служения отца твоего последуя, в искусстве врачевания возрастал еси, во всеучилище именован трудясь усердно, паче же сего любовь к людям страждущим просиял еси, бедных безмедно врачуя и всего себе по завету апостольскому людям отдавая. Сице молим тя: преобрази души наша любовью милосердною, да возможем и мы тяготы ближних носить и служитьи има нелицемерно, выну в благодати Божией возвратати, зовуще ти: Радуйся, родителей именитых чадо благословенное;  
Радуйся, на древе рода своего плодоносящею ветвию возцветший;  
Радуйся, дарованный талант приумноживый;  
Радуйся, правды и истины всегда искавый;  
Радуйся, преподобному Агапиту в твердом уповании на Господа подражавый;  
Радуйся, подобно Серафиму радость духовную стяжавый;  
Радуйся, из глубины неверия извлекающий;  
Радуйся, многих в разуме просвещающий;

Радуйся, святой новомучениче Евгение, врачу  
благий и милостивый!

### **Кондак 3**

Сила Вышняго и Покров Царицы Небесныя  
осеняше тя, добронравный Евгение, в годину  
брани с Японию языческою, егда горя любовью  
ко страждущим воином, ты служил еси им  
врачебным искусством, подражая Пантелеимону  
Целителю, не взирая на опасности и лишения,  
непрестанно в сердце Богу поя песнь: Аллилуия.

### **Икос 3**

Имуще дар слова, от Бога тебе данный,  
прехвальный Евгение, врачуя телеса  
страждущих, ты не забывал еси и о душах их,  
утешая, вразумляя, наставляя и врачуя от  
маловерия, уныния и отчаяния злаго. Сие же убо  
ныне воспоминающе, просим тя: сотвори  
молитву за ны ко Врачу душ и телес, да и мы  
твоим предстательством избавим от скорбей  
временых и вечных, ведуще бо тя помощника  
неусыпна, умиленно вопием ти:

Радуйся, Единого Христа всем сердцем  
возлюбивый;

Радуйся, яко милосердный самарянин, ближним  
послуживый;

Радуйся, надежду несомненную в души их  
владавый.

Радуйся, от суеты многообразной ум наш  
освобождающий;  
Радуйся, к познанию благого промысла Божия  
нас обращающий;  
Радуйся, к неленностному творению молитвы  
привлекающий;  
Радуйся, благоплодностью души наша  
наполняющий;  
Радуйся, изможденных горестями житейскими  
укрепляющий;  
Радуйся, святой новомучениче Евгение, врачу  
благий и милостивый!

#### **Кондак 4**

Бурю внутри помыслов и страстей волны  
безбедно прешед, святой Евгение, обрел бо еси  
тихое пристанище Христа, Емуже неленостно во  
мнозе долготерпении поработал еси; сице молим  
тя: миром Господним наполни души наша,  
благомыслием озари умы, да удалимся мы от  
скверны греховныя и возможем выну следовати  
заветом Спасителя, воспевая Ему о тебе:  
Аллилуия.

#### **Икос 4**

Слышавше о тебе благоверная Царица  
Александра, яко, прехвальне Евгение, знанием  
врачевания иных превосходиши, яко с усердием  
и любовью воинам страждущим на поле брани

послужил еси, призва тя к служению в чертоги своя; Царь же Николай саном лейб-медика ты почти. Мы же славяще Бога, возносящаго смиренных сердцем, и венчающаго их милостию и щедротами, взываем ти сице:

Радуйся, лютых и неисцельных недугов телесных врачевателю;

Радуйся, немощей и страстей душевных целителю;

Радуйся, всем приходящим к тебя благ преизобильный подателю;

Радуйся, терпением и мужеством души наша украшающий;

Радуйся, нас, алчущих и жаждущих правды, насыщающий;

Радуйся, сердца наша благодатию Божиею, вам данною, очищающий;

Радуйся, очи наши духовныя к зрению Бога изоцряющий;

Радуйся, вражды и ссоры наша умиротворяющий;

Радуйся, святой новомучениче Евгение, врачу благий и милостивый!

### **Кондак 5**

Боготечной звезде, путь ко Христу указующей подобен воистину явился, святой мучениче Евгение, ты бо во все дни земного жития твоего учеником, друзьям и врагом, а паче, ближним

твоим являл еси образ добродетельнаго жития, ныне, мы, вспоминая подвизи твоя, радостно воспеваем Христу, всемогущему Врачу Душ и телес, выну ты своею благодатно укреплявшему, пение благодарственное: Аллилуия.

## **Икос 5**

Видя паки страдания воинов во дни войны с Германиею, любовь же подвигаем купно с Царицею Александрою лечебницу преславную в Царском Селе сотворил еси, идеже многия люди страждущие исцеления духовное и телесное обретаху. Мы же, ныне вся сия поминающее, просим тя, святой Евгений, твоею молитвою исцели и нас, грешных, да благодарственне зовем ти:

Радуйся, врачам мысль благую на сердце полагающий;

Радуйся, в служении ближнему их присно укрепляющий;

Радуйся, больных в кротости и терпении утверждающий;

Радуйся, пути исцеления всем нам указующий;

Радуйся, оставленных врачами со одра болезни воздвизающий;

Радуйся, внутренний мрак душ наших светом Христовым озаряющий;

Радуйся, отступивших от правыя веры на путь спасения возвращающий;

Радуйся, блуждающих по морю жития сего  
мудре окормляющий;  
Радуйся, святой новомучениче Евгение, врачу  
благий и милостивый!

### **Кондак 6**

Проповедника тя благочестия яви Господь во  
граде Петрове и Селе Царском, паче же сих в  
пределах Сибирских, святой Евгение: кто бо не  
умилится, вспоминая великия твоя  
добродетели: мудрость и любви, кротость и  
терпение, молитву и милосердие,; яко не токмо  
честным и благородным житием просиял еси, но  
и ближнему безмездно послужил еси, и веру  
Христову пред лицом власти богоборныя  
исповедал еси: темже мы, славяще Бога, дивнаго  
во святых своих поем: Аллилуиа.

### **Икос 6**

Возсиял еси светом веры несомненныя в годину  
испытания лютаго, прехвальный Евгение, егда  
людие богоуступныя воздвигоша брань против  
Всемогущего Бога Нашего и Помазанника Его, в  
дни дни убо потече, яко вода кровь мученик и  
страстотерпцев, за Христа и правду Его  
умерщвляемых. Ты же, угодниче Божий,  
изгнание из града Петрова в Тобольск купно с  
Царем Николаем претерпел еси; сие же сие же  
вспоминая ныне просим тебя: обнови веру и

ожитвори надежду нашу, да зовем ти сице:  
Радуйся, страх смерти и страданий великою  
верою в Воскресшего Бога низложивый;  
Радуйся, на подвиг духовный, многих окрест  
тебе сущих воодушевивый;  
Радуйся, от тлеющих углей ненависти души  
наша омывающий;  
Радуйся, даром благодати небесной нас  
обогащающий;  
Радуйся, от злословия и осуждения уста наша  
оберегающий;  
Радуйся, словом благим ближним служить  
научающий;  
Радуйся, в каждом человеке видеть образ Божий  
сподвигающий;  
Радуйся, милосердную любовь в сердцах  
воскрешающий;  
Радуйся, святой новомучениче Евгение, врачу  
благий и милостивый!

### **Кондак 7**

Хотя последовати Христу, подражал Ему  
всеусердно, прияв на себя иго Его, научился от  
Него кротости и смирению, возжелал еси всем  
сердцем твоим, блаженне Евгение, единому  
Господу работати, себе ни во чтоже вменил еси,  
труды к трудом в душе кротости и смирения  
прилагая, дерзновение в молитве стяжал еси,

ближних твоих призывая верно славить Бога, в Троице Единого, и воспевати Ему: Аллилуиа.

### **Икос 7**

Новаго светильника дарова Господь Церкви Российской – Евгения, врача благоискуснаго и новомученика всеславнаго, ты бо, угодниче Божий, ныне в вышних пребываеши, но и нас, низших, не оставляеши твоими молитвами и предстательством у Христа – Царя славы и Господа Бога нашего. Сего ради, недоумеюще благохвалити тя по достоянию, со умилением сердца, из глубины души, к тебе взываем:

Радуйся, всех с верою приходящих к вам благодатно освящающий;

Радуйся, усердно призывающим вас помогающий.

Радуйся, светом твоим нашу тьму греховную разгоняющий;

Радуйся, теплотою любви твоея наша хладная сердца согревающий;

Радуйся, козни вражия предстательством твоим разрушающий;

Радуйся, сокровище мира духовнаго нам открывающий;

Радуйся, к свету Христову заблудшия наставляющий;

Радуйся, упованию христианскому верныя научающий;

Радуйся, святой новомучениче Евгение, врачу  
благий и милостивый!

### **Кондак 8**

Странному и неизреченному смирению  
воплотившегося Бога Слова подражая,  
страстотерпче преславне, сам исполнился еси  
великаго смирения и незлобия, даже ко врагом  
народа и Царя твоих. Мы же ныне молим тя,  
угодниче Божий, представительством твоим  
небесным испроси и нам сия боголюбезныя  
добродетели, да не поработимся страстем  
греховным, но исполнимся духа любви и  
кротости к ближним нашим и благочестно  
воспоем Спасителю Нашему: Аллилуиа.

### **Икос 8**

Весь исполнь любви Христовы, благоверный  
Евгение, не оставил еси венценосную семью в  
заточении сущую, и с велию любовью послужил  
еси има яко врач благий и мудрый, яко  
сомолитвенник и наперсник верный, яко друг  
благоговейный, яко христианин Помазаннику  
Божиему. Мы же любви и верности твоея  
последовати желая, таковыя похвалы с  
надеждою возносим ти:

Радуйся, томления в заточении от злочестивых  
богоотступников претерпевый;

Радуйся, в скорбех земных небрегший и радость

небесную обреть;  
Радуйся, от мрака земнаго к Небесному свету  
устремившийся;  
Радуйся, вере правой и благочестию нас  
научающий;  
Радуйся, надежду известную нам подавающий.  
Радуйся, любовь нелицемерную в нас  
воспламеняющий;  
Радуйся, в пренесении испытаний и гонений нас  
укрепляющий;  
Радуйся, потемненные грехми очеса душ наших  
светом евангельским просвещающий;  
Радуйся, святой новомучениче Евгение, врачу  
благий и милостивый!

### **Кондак 9**

Всем житием, милосерднаго служения и  
добродетелей многообразных исполненнаго  
твоим, привлекл еси к себе велию благодать  
мученичества, благоверный болярине Евгение.  
Навыкл бо еси измлада прилепятся Богови  
сердцем твоим, страстотерпче пречудный.  
Научи убо и ны, недостойныя, искати паче всего  
Царствия Божия, презирати же преходящая и  
тленная, воспевая во умилении Господеви;  
Аллилуиа.

## Икос 9

Ветии многовещанная не возмогут по  
достоянию изрещи пречуднаго прославления  
памяти твоя, прехвальный страсотерпче  
Евгение; мы же, к покаянию тобою  
подвигаемии, благосердию твоему подражати  
хотяще, просим убо тя: утверди нас вере  
истиней твердо стояти, отврати сердца наша от  
кривды лжепророков рая земнаго, в истине  
евангельской утверди ны, силу зломыслия  
человеческаго твоима святыма молитвами  
поколеби и разруши, святыи новомучениче,  
благостью и человеколюбием преобрази  
иссыхающия души, и прими многомилостивно  
велиания сия:

Радуйся, к Распеншемуся нас ради на Кресте  
разум свой выну возводивший;

Радуйся, страдальческою кончиною незлобие  
Агнца Божия проповедавший;

Радуйся, нести людям Христов свет  
призывающий;

Радуйся, благодатную силу исцеления просящим  
подавающий;

Радуйся, от проказы греховныя нас  
избавляющий;

Радуйся, утешение благое в сердца  
низпосылающий;

Радуйся, упование на милосердие Божие

благодатно вселяющий;  
Радуйся, грехов оставление и в добродетельном  
житии укрепление нам подающий;  
Радуйся, святой новомучениче Евгение, врачу  
благий и милостивый!

### **Кондак 10**

Спасительного подвига твоего свершая течение,  
Евгение достохвальне, отвергг еси глаголы  
богоборцев, принуждавших тя Императора  
Николая, Царицу Александру и чад их оставить  
и служение иное прияти, ты же, долгу врача и  
чести дворянской последуя, во славе с Царем  
боговенчанным пребыл еси и в горести ему  
верным служителем ему явился еси, на Господа  
Предвечнаго упование возлагая, чад своих Его  
промыслу предал еси, тако бо Авраамову  
надежду стяжал еси и верою Иову  
многострадальному уподобился еси. Ныне со  
всеми праведниками, от века в долину вечной  
радости исшедшими величаеши Отца Небеснаго  
пением всепобедным: Аллилуия.

### **Икос 10**

Стена крепкая, ухищрениями диавола не  
одоленная, пребыл еси до конца, мучениче  
Христов Евгение, в доме Ипатиевом со  
Царственными Мучениками заключенный,  
взирая на начальника веры и совершителя

Иисуса, за Ним бо последовал еси даже до смерти крестной, ведая убо яко Христос смертью своею смерть попрал, и за него убиенный вечно с Ним соцарствуют в обителях Отца Небеснаго. Почитая же святую кончину твою, поклоняемся неизследимому Промыслу Всевышняго, сподобльшаго тя причастника быти неизреченныя славы Своея в Иерусалиме Небесном, отнюдуже приклони ухо твое ко гласом нашим, взывающим ти сице:  
Радуйся, нищий духом, яко твое есть Царствие Небесное;  
Радуйся, скорбящий и плачущий, яко утешил тя Господь.  
Радуйся, страдальче кроткий, Богом прославленный;  
Радуйся, алчущий и жаждущий правды, яко насытивыйся.  
Радуйся, милостивый к страждущим, яко Богом помилованный;  
Радуйся, чистый сердцем, яко Бога ныне непосредственно зриши.  
Радуйся, миротворче, сыном Божиим нареченный;  
Радуйся, гонимый за правду, яко твое есть ныне Царствие Небесное.  
Радуйся, святой новомучениче Евгение, врачу благий и милостивый!

## **Кондак 11**

Пение непрестанное Иисусу Сладчайшему и Пречистой Его Матери возносяще, всеславный Евгений, благословляя убийц своих и моляще о прощении их, яко не ведают чью злую волю творят, сим и нас научая врагов своих благословляти, а не проклинати, воспевая богокрасную песнь: Аллилуия.

## **Икос 11**

Светозарнаго светильника, елея молитвы чистыя преисполнена, и пламенем веры светло сияюща, воздвиже тя Господь, святой новомучениче Евгений, всем благочестивым христианом, благочестно память твою чтущим. Мы же, очами веры зрим тя в Троическом Свете в сонме святых, в крови Агнчей ризы своя убеливших, выну пребывающего и нам мира и благоденствия просящего. Сего ради с надеждою воспеваем ти сие:

Радуйся, со ангелы пресветлыми присно торжествующий;

Радуйся, Христа в житии и страданиях твоих возвеличивый;

Радуйся, к Царству Небесному узким путем восшествовавый;

Радуйся, в сонме новомучеников вечный покой и блаженство стяжавый;

Радуйся, от страстей и тягот душевных нас

преславно освобождающий;  
Радуйся, благия мысли и чувства в недоумении  
сущим внушающий;  
Радуйся, от душепагубного зла нас  
отвращающий;  
Радуйся, теплоту душевную христианам  
дарующий;  
Радуйся, святой новомучениче Евгение, врачу  
благий и милостивый!

### **Кондак 12**

Благодати обитающей в тебе дивящися,  
величаем тя, болярине Евгение: веруем, яко дела  
Божия на земли совершив, и страдания велия  
претерпев, ныне с Господем во обителях Его  
почиваеши, призирая на нас с высоты  
небесныя, и приклоняя к нам вышнее  
милосердие. На твое заступление надеющися, и  
на благодатную помощь твою уповающе,  
славословим Дивнаго во святых своих Бога:  
Аллилуиа.

### **Икос 12**

Воспевая дивное и праведное житие твое, дела  
милосердия, служение твое ближним твоим, вся  
подвиги твоя, иже верою верностию и трудом  
велием во славу Божию совершил еси,  
восхваляем, почитаем исповедничество твое,  
ублажаем и мученическую кончину твою,

прехвальный Евгений, просим и молимся тебе,  
помози нам, святой заступниче, во  
многообразныя искушения, борения и напасти  
впадающим. Наипаче же укрепи и научи нас, да  
возможем святому твоему житию подражатели  
быти и благодарственно восхвалим тя сице:  
Радуйся, правило веры, и благочестия образе  
всесовершенный;  
Радуйся, пламень, благодатию Божественнаго  
Духа возжженный.  
Радуйся, со всеми новомучениками  
российскими торжествующий;  
Радуйся, с царем Николаем пасху вечную  
празднующий;  
Радуйся, с царицею Александрою Отца  
Небеснаго величаяй;  
Радуйся, со царевнами святыми Матерь Божию  
восхваляющий;  
Радуйся, с царевичем Алексием милость Божию  
к нам приклоняющий;  
Радуйся, скорый послушниче всех с верою тя  
призывающих.  
Радуйся, святой новомучениче Евгений, врачу  
благий и милостивый!

### **Кондак 13**

О, предивный и преславный заступниче наш,  
достохвальный новомучениче Евгений! Приими  
ныне малое моление сие наше, во умилении

сердце тебе возносимое, и умоли Господа нашего Иисуса Христа, да избавит ны от всякие напасти вражия, и сподобит нас в непрестанной молитве и покаянии веру Христову до конца сохранить и грядущая в Небесех благая улучшить, воспевая Богу: Аллилуйя.

## **Молитвы 1**

Святой славный исповедниче и страстотерпче Евгение! Веруем и уповаем, яко страданьми и богоугодною жизнью твоею стяжавый велию милость и дерзновение у Господа Бога, не забыл еси достояния твоего земнаго, отечества нашего, в немже обуреваемы есмы, почитателие твои, многими напастьми вражиими и страстьми житейскими. Темже просим тя: молитвами и предстательством твоим умоли Господа нашего Иисуса Христа, да избавит нас от всяких бед и злых обстояний, от всяких недугов и болезней и от всех врагов, видимых и невидимых. О великий угодниче Божий! Воздохни о нас, грешных, ко Владыце всяческих, да простит нам вся согрешения наша и низпослет на ны благодать Всесвятаго Духа, да преставше всякаго сквернодействия, прочее время живота нашего во всяком благочестии и чистоте проживем и, тако благоугодивше Господу, сподобимся жизни вечноблаженныя, поюще и

воспевающе превеликое милосердие Божие и твое милостивое предстательство за нас у Престола Божия во веки веков. Аминь.

## **Молитва 2**

О преславный страстотерпче Евгение, великий угодниче Божий, принеси нашу слезную молитву Господу Богу нашему, умилостави Его к нам, грешным, да отымет гнев свой праведный и умирит страну нашу многострадальную; да утвердит благоденствие и тишину, да низпослет нам изобилие плодов земных и да возбранит врагом нашим обиду творити сирым и беспомощным. Темже, припадающе к иконе твоей, воспоминаем с верою страдания твоя, за Христа претерпенная, и молим тя: не остави нас и испроси нам у Господа благая временная и вечная, да славим прославльшаго тя Бога во веки. Аминь.

## **Молитва 3**

О всеславный страстотерпче, достохвальный угодниче Христов, Церкви Православныя поборниче, новомучениче и целителю святыи Евгение! Преклоньше колена молим тя: призри на ны, грешныя, к заступлению твоему прибегающия, услыши сие малое моление наше и теплым твоим предстательством умоли Всемилосердного Бога, Ему же ныне

предстоиши со Ангелы и всеми святыми, да сохранит нас в единении Православная Церковь и утвердит в сердцах наших живый дух правды веры и благочестия, и избавит нас от всякого искушения и прелести бесовския. По велицей любви твоей, еюже ближния твоя возлюбил еси, испроси у всещедрого Бога Отчеству Твоему (и нашему купно), мир и благоустройство; всем же нам, недостойным, усердно к тебе прибегающим, богоугодное и безмятежное житие и добрую христианскую кончину, тайн Божиих причастною. О святыи заступниче наш не остави нас, слабых и беспомощных, молимся за ны ко Господу и Спасу Нашему Иисусу Христу, да дарует Он, Всещедрый и Премилосердный Господь наш, вся, яже к пользе временней и вечней полезная и потребная; да не воздаст нам по делом нашим, но по неизреченному человеколюбию своему простит нам грехи и согрешения наша, да избавят ны от всякия нужды и печали, скорби и болезни; да ниспошлет нам благое намерение и силу подвизатися во исправлении жития нашего, и в будущем веце да сподобит нас внити в Царствие Небесное и славити купно с тобою Всесвятое Имя Отца и Сына и Святаго Духа во веки веков. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**